

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 44. i 46. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20), na prijedlog Kantonalne uprave civilne zaštite, Vlada Zeničko-dobojskog kantona, na 82. sjednici, održanoj dana 30.10.2020. godine, d o n o s i

ODLUKU

o odobravanju sredstava na ime pomoći Općini Žepče radi saniranja šteta nastalih prirodnim nepogodama

Član 1.

(Predmet)

Odobravaju se sredstva Općini Žepče za sanaciju i rekonstrukciju lokalnog puta u naseljenom mjestu Lupoglav na području Općine Žepče u iznosu od 100.000,00 KM (slovima: stotinu hiljada konvertibilnih maraka) iz sredstava Budžeta za 2020. godinu, na ime jednokratne novčane pomoći za sanaciju šteta nastalih tokom prirodnih nesreća poplava, klizišta i drugih prirodnih nepogoda.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj 24/19 i 7/20), sa razdjela 14 – Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 - kapitalni transferi drugim nivoima vlasti, funkcionalna klasifikacija 320 (redovna budžetska sredstva).

Član 3.

(Uplata sredstava)

Sredstva iz člana 1. ove odluke uplatit će se na depozitni račun Općine Žepče, a koristit će se za namjene utvrđene u članu 1. ove odluke.

Član 4.

(Regulisanje međusobnih prava i izvještavanje)

(1) Zadužuje se Kantonalna uprava civilne zaštite da izvrši potpisivanje Sporazuma sa Općinom Žepče kojim će se regulisati međusobna prava i obaveze između Uprave i Nosioca za sufinansiranje projekata.

(2) Zadužuje se Općina Žepče da izvještaj o utrošku odobrenih sredstava iz člana 1. ove odluke dostave u roku od 120 dana od potpisivanja Sporazuma Kantonalnoj upravi civilne zaštite.

Član 5.

(Provođenje odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-17519/20

Datum, 30.10.2020. godine

Z e n i c a

PREMIJER
po ovlaštenju

Mirnes Bašić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Općina Žepče, putem Kantonalne uprave civilne zaštite,

1x „Službene novine Zeničko-dobojskog kantona“,

1x a/a.